

VIÐAUKI

við reglugerð nr. 163 30. maí 1973, um hvalveiðar.

1. gr.

Á árinu 1982, er óheimilt að veiða fleiri hvali af eftirgreindum tegundum, en hér segir: 100 sandreyðar, 194 langreyðar, 87 búrhvali og 200 hrefnur.

2. gr.

Brot gegn reglugerð þessari varða viðurlögum, skv. lögum nr. 26 3. maí 1949, um hvalveiðar, sbr. lög nr. 40 29. maí 1979. Mál út af brotum skulu sæta meðferð opinberra mála.

3. gr.

Reglugerð þessi er sett skv. lögum nr. 26 3. maí 1949, um hvalveiðar, sbr. lög nr. 40 29. maí 1979, til að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 5. apríl 1982.

F. h. r.

Jón L. Arnalds.

Jón B. Jónasson.

Nr. 154.

25. mars 1982.

AUGLÝSING

um umferð í Reykjavík.

Samkvæmt heimild í 65. gr. umferðarlaga nr. 40 23. apríl 1968 og að fengnum tillögum borgarráðs hefur verið ákveðið að eftirtaldar götur verði aðalbrautir:

1. Stjörnugróf, þó þannig að umferð um hana viki fyrir umferð um Bústaðaveg.
2. Sá hluti Hraunbæjar, sem er á milli Bæjarháls og Rofabæjar, þó þannig að umferð um hann viki fyrir umferð um síðarnefndu göturnar.
3. Dverghöfði, þó þannig að umferð um hann viki fyrir umferð um Breiðhöfða og Höfðabakka.

Ákvæði auglýsingar þessarar taka gildi 1. apríl 1982.

Lögreglustjórinn í Reykjavík, 25. mars 1982.

Sigurjón Sigurðsson

Nr. 155.

1. mars 1982.

AUGLÝSING

um umferð í Rangárvallahreppi.

Samkvæmt heimild í 65. gr. umferðarlaga nr. 40/1968 og að fengnum tillögum hreppsnefndar Rangárvallahrepps, eru hér með settar eftirgreindar reglur um umferð í Rangárvallahreppi:

1. Umferð um Suðurlandsveg skal njóta aðalbrautarréttar fyrir umferð um Þrúðvang, sbr. ákvæði 2., sbr. 3. mgr. 48. gr. og 4. mgr. 65. gr. umferðarlaga.
2. Umferð um Þrúðvang skal njóta aðalbrautarréttar fyrir umferð af Þingskálum, Útskálum, Laufskálum, Leikskálum og Hrafnskálum, sbr. ákvæði 2., sbr. 3. mgr. 48. gr. umferðarlaga.
3. Umferð um Þingskála skal njóta aðalbrautarréttar fyrir umferð af Heiðvangi, sbr. ákvæði 2., sbr. 3. mgr. 48. gr. umferðarlaga.

Ákvæði auglýsingar þessarar taka gildi 1. maí 1982.

Sýslumaður Rangárvallasýslu, 1. mars 1982.

Böðvar Bragason.

26. mars 1982.

Nr. 156.

AUGLÝSING

um váttryggingarfjárhæðir ábyrgðartrygginga ökutækja.

Ráðuneytið hefur ákveðið samkvæmt heimild í 3. mgr. 70. gr. umferðarlaga nr. 40 23. apríl 1968, sbr. lög nr. 65 16. maí 1978, að váttryggingarfjárhæðir ábyrgðartrygginga ökutækja samkvæmt 1. og 2. mgr. 70. gr. umferðarlaga, sbr. lög nr. 31 22. maí 1980, skuli vera kr. 3 800 000,00 fyrir hvert ökutæki. Fyrir vélknúin ökutæki, sem flytja mega fleiri farþega en tíu skal váttryggingarfjárhæðin þó vera kr. 7 600 000,00.

Ákvörðun þessi gildir frá 1. apríl 1982 að telja.

Jafnframt fellur úr gildi auglýsing nr. 281 9. júní 1981 um váttryggingarfjárhæðir ábyrgðartrygginga ökutækja.

Dóms- og kirkjumálaráðuneytið, 26. mars 1982.

Friðjón Þórðarson.

Ólafur W. Stefánsson.

31. mars 1982.

Nr. 157.

SAMÞYKKT

um breyting á lögreglusamþykkt fyrir Sauðárkrókskaupstað,
nr. 165 16. maí 1974.
1. gr.

Við 51. gr. bætist ný málsgrein, svohljóðandi:

Knattborðs- og leiktækjastofur, þar sem rekstur knattborða, spilakassa og leiktækja er meginhluti starfseminnar, má ekki starfrækja nema með leyfi bæjarstjórnar, að fenginni umsögn lögreglustjóra. Bæjarstjórn ákveður gjaldið fyrir leyfið, sem skal veitt til eins árs í senn. Knattborðs- og leiktækjastofur mega vera opnar frá kl. 9.00 til kl. 23.30. Ákvæði 47. og 48. greinar taka til þeirra eftir því sem við á.

2. gr.

Samþykkt þessi öðlast þegar gildi.